

ТОШКЕНТ НАҚИҚАТИ

HAQSEVAR ONA YURT, MANGU BO`L OBOD!

@haqiqatonline_24

Haqiqat online

haqiqatonline_



QR-kod

2024-yil
3-fevral
SHANBA
№ 1 (13660)

1928-yil 11-dekabrda
asos solingan

Viloyat ijtimoiy-siyosiy gazetasi



**Viloyat
b'ylab**

Тошкент вилояти ҳокими Зойир Мирзаев **ЯНГИЙҮЛ туманидаги** "Ниёзбоши" маҳалласи аҳолиси билан мулоқот ўтказди. Учрашувда келгусида маҳаллада қандай ўзгаришлар бўлиши, ҳудудда истикомат қилаётган 743 та оиллага муносиб турмуш шароити яратиш, ҳудуд инфратузилмасини яхшилаш, коммунал соҳада қилинадиган ишлар режаси тузилди.



КҮЙИ ЧИРЧИҚ туманида чиқиндидан маҳсулот ишлаб чиқариш йўлга қўйилди. Режага кўра, келгусида пресланган чиқиндилардан ип ураладиган конуслар ишлаб чиқарилади.



ЮҚОРИ ЧИРЧИҚ тумани ҳокими Усқенбай Атемов Жанубий корейлик инвесторлар билан учрашди. Унда "Winpeji" корхонасида қурилиш маҳсулотлари ишлаб чиқариш, инвестиция лойиҳаларини амалга ошириш масалалари муҳокама қилинди.



БЕКОбод шаҳридаги Турин политехника университетининг Аэрокосмик муҳандислик лабораториясига Туркия технология жамоат фонди директорлар кенгаши раиси Элван Кузусу хоним ташриф буюрди. Меҳмон лабораторияда яратилган шароитлар ҳамда шаҳардаги 5-ИДУМнинг 11-синф ўқувчиси Акбаршоҳ Қосимовнинг лойиҳалари билан танишди.



Оилавий ажримлар — жамиятнинг таназзули

Вилоятимизда **875 мингдан зиёд** оила мавжуд бўлиб, шундан **220 мингга** яқини ёш оилалар ҳисобланади.

Мамлакатимизда оилаларни мустаҳкамлаш, жамиятда оилавий кадриятларни тарғиб қилиш ва кўллаб-қувватлаш борасида тизимли ишлар олиб борилмоқда.



■ Сарҳисоб

■ **Ўзбекистонда ишлаб чиқарилган**

ТАЛАБ ВА ТАКЛИФНИ ЎРГАНИБ КАМ БЎЛМАДИК



Юртимизда тadbиркорликни ривожлантириш, уларнинг манфаатларини ҳимоя қилиш, эркин фаолият юритишлари учун зарур шароит ва имкониятлар яратилган. Бундан самарали фойдаланган тadbиркорлар ишлаб чиқараётган сифатли маҳсулотлари билан нафақат ички, балки ташқи бозорда ҳам ўз ўрниларига эга бўлишмоқда.



■ Сайёр қабул

РАҲБАРЛАРНИНГ ЎЗИ КАСАЛМИ ЁКИ ИШИ "КАСАЛ"?

Нурафшон шаҳрида Тошкент вилояти ҳокими Зойир Мирзаев аҳолини қийнаётган муаммоларни ўрганиш ҳамда уларга ечим топиш мақсадида навбатдаги сайёр қабул ўтказди.

Қабулда вилоят ҳокими билан бирга ҳудуддаги барча мутасадди ташкилот раҳбарлари иштирок этиши кўзда тутилган эди. Бироқ қабулда негадир уларнинг ўринбосарлари қатнашди. Зойир Мирзаев бунинг сабабини сўраганида уларнинг бетоб эканлиги ваҳ қилиб кўрсатилди.

(Давоми 2-саҳифада) ▶



■ **Имконият**

ЧЕТТИЛИНИ ЧЕТ ЭЛЛИКЛАР ЎРГАТАДИ



ТАЪЛИМ — КЕЛАЖАККА КЎПРИК

Ўқувчининг сифатли билим олиши учун асосий масъулият кимнинг зиммасида?
Ўқитувчиларними ёки ота-оналарнинг?

Мақтаб эса
кўприкнинг устунидир



"Юлдуз"ларинг
қани,
янги
ЎЗБЕКИСТОН?! 3

ХАТАРЛИ ҚАТАР

Ёхуд
"исирикланмаган
худуд" 4



Ҳурматли
газетхон!

"ТОШКЕНТ
НАҚИҚАТИ" га
2024 йил учун

ОБУНА
давом этмоқда.

Обуна таҳририятда, почта филиаллари ва матбуот тарқатувчи ташкилотларда расмийлаштирилмоқда.

Нашр кўрсаткичи — 205

РАҲБАРЛАРНИНГ ЎЗИ КАСАЛМИ ЎКИ ИШИ "КАСАЛ"?



– Раҳбарлар ишга келмаслиги ёки кабинетда қамалиб ўтириши ордан аҳолининг муаммоси кўпайиши табиий, – дея эътироз билдирди вилоят ҳоқими. – Вилоят Соғлиқни сақлаш бошқармаси бетоб деб айтилган ҳар бир раҳбарни тиббий текширувдан ўтказиб, натижасини менга жўнатади. Кимда ким ёлгон сабаб билан вазифасига масъулиятсизлик қилаётган бўлса, дарҳол ишдан ола-миз. Бизга курсини банд қилиб ўтирадиганлар эмас, халқнинг муаммосини ҳал этадиган раҳбарлар керак.

– мутасаддиларга топшириқлар берилди.
– Ўрта Чирчиқ туманида боғча қуришни режалаштирган эдик, – дейди мурожаатчилардан бири. – Бироқ банк томонидан турли важлар кўрсатилиб, кредит ажратилмади. Охири ушбу масалада вилоят ҳоқимига мурожаат қилишга мажбур бўлдик. Улар дарҳол банк мутасаддиларини чақириб, ижобий ҳал қилиш бўйича топшириқ берди. Кўтарган масаламиз тезда ҳал бўлганидан хурсандимиз.

Сайёр қабулда фуқаролар томонидан асосан ижтимоий ҳимоя, соғлиқни сақлаш, тадбиркорлик, бандлик билан боғлиқ беш юздан ортиқ мурожаатлар келиб тушди. Уларнинг аксарияти шу ернинг ўзида ҳал этилди, айримларини жойига чиқиб ўрганиш бўйича

Шунингдек, Зойир Мирзаев мутасадди ташкилотларга аҳолини қийнаётган муаммоларни фақат қабул жараёнларида эмас, балки жойларга чиқиб, улар билан мулоқот қилиб ўрганиш ҳамда имкон қадар ҳал этиш бўйича тегишли кўрсатмалар берди.

Сухробжон САДИРОВ,
"Тошкент ҳақиқати" мухбири
Жалолiddин ЭСОНОВ
олган суратлар

ТАЙИНЛОВ АРЗИҚУЛОВНИНГ ИККИНЧИ ИМКОНИЯТИ

Соғлиқни сақлаш вазирлигининг тегишли буйруғи билан Арзиқулов Тўракул Содиқович Тошкент вилояти соғлиқни сақлаш бошқармаси бошлиғи этиб тайинланди.



Тиббиёт фанлари доктори Т.Арзиқулов тайинловга қадар Соғлиқни сақлаш вазирлиги Тиббий ёрдамни ташкиллаштириш департаментида масъул лавозимда фаолият кўрсатиб келаётган эди.
Шунингдек, у турли йилларда Республика шошилич тиббий ёрдам илмий маркази бош директори ўринбосари, Сурхондарё вилояти соғлиқни сақлаш бошқармаси бошлиғи, Республика шошилич тиббий ёрдам илмий маркази Тошкент вилояти филиали директори, Тошкент вилояти соғлиқни сақлаш бошқармаси бошлиғи каби лавозимларда ишлаган.

Юртимизда ёшларнинг илм олиши, хориж тилларини ўрганиши учун барча шарт-шароитлар яратиб берилган. Айниқса, кейинги пайтларда таълим муассасаларимизда чет тили дарсларини хорижлик мутахассис-ўқитувчилар ўтаётгани яхши самара бермоқда.

Биз ана шундай хорижлик устозларга бир неча саволлар билан мурожаат қилдик.

– Ўзбек халқининг меҳмондўстлиги, меҳрибонлиги мени хайратда қолдирди, – деди мисрлик Аҳмед Мустафо Мухаммед. – Бундай маънавий халқнинг фарзандлари ҳар жиҳатдан етук бўлиб камол топишлари керак. Шунинг учун мақсадимиз сизнинг юртингизда ҳам билимга чанқоқ ёшларни тарбиялашда ўз тажрибаларимизни бўлишидир. Биз Ўзбекистонга янги тажрибаларни ўртоқлашиш учун келдик. Мен инглиз тили ўқитувчисиман. Ҳозир Юнусобод туманидаги 220-умумтаълим мактабда фаолият олиб бораётман. Мактабда ўқувчилар учун барча қулайликлар бор. Ҳар бир хонада электрон доска ва компьютерлар мавжуд. Ўқувчилар ҳам билим олишга ташна. Шу боис катта иштиёқ билан дарсларни қизиқарли ва юқори сифатда ташкил этишга ҳаракат қилияпман.

– Ўқувчининг сифатли билим олиши учун асосий масъулият кимнинг зиммасида? Ўқитувчиларнинг ёки ота-оналарнинг?
– деган саволимизга 58-ихтисос-
(Давоми. Бошланиши 1-саҳифада)

ЧЕТ ТИЛИНИ ЭЛЛИКЛАР ЎРГАТАДИ

лаштирилган умумтаълим мактаби инглиз тили ўқитувчиси, мисрлик Саад Эмад Абдулла шундай жавоб берди:

– Ўқитувчилар ҳам, ота-оналар ҳам фарзандларининг таълим-тарбияси учун тенг масъулиятлидир. Мактаб муҳитида ўқитувчиларнинг ўрни катта бўлса, ота-оналар мактабда берилган сабоқларни янада мустаҳкамлашни назорат қилишлари керак. Ниҳоят, ўқитувчи ва ота-оналарнинг биргаликдаги саъй-ҳаракатлари болалар учун янада яхши ва самарали ўқув тажрибаси жараёнини яратди. Бу жараён бир-бирига узвий боғлиқдир.

– Замоनावий ўқитувчи қандай мезонларга эга бўлиши керак деб ўйлайсиз?
– Турли хил ўқув эҳтиёжларига жавоб бериш учун мослашувчан-

лик жуда муҳимдир. Ўқувчиларни руҳлантириш уларнинг билимини оширишга ундайди. Айниқса, чет тилини хорижлик мутахассисдан ўрганиш мулоқот жараёнида ижобий самара беради.



– Қайси давлатларда хорижий тил мураббийси сифатида иш олиб боргансиз?
– Мен бир неча мамлакатларда ишлаганман. Аввал ўз ватаним Мисрда, кейин Саудия Арабистонида ишладим. Бундан ташқари Қатар ва Дубайда дарс бердим. Ва ниҳоят, тўртинчи бўлиб юртин-

гизда фаолият олиб бораётман.

– Инглиз тилини энг яхши ўқитиш усули қайси деб ҳисоблайсиз?
– Чет тилида мулоқотда бўлиш (спикинг), ўқиш ва машғул-ларда астойдил шуғулланиш керак. Хориж тилидаги матнларни ўқиш тушунишга ёрдам беради ва машғулотларни қизиқарли ўтишида ўз натижасини кўрсатади. Мен машғулот мобайнида кундалик вазиятларда ишлатиладиган ҳаётий мисоллар, турли расм ва ўйинлардан фойдаланаман. Видеолар ва интерактив усуллар ҳам тилни мустақил ўрганишда ёрдам бериши мумкин. Асосийси, яхши натижаларга эришиш учун дарсларни қизиқарли олиб бориш даркор.

– Ўзбекистондаги ўқувчилар ҳақида қандай таассуротга эга бўлдингиз?
– Ўзбекистоннинг ёшлари зўр! Улар ҳақиқатан ҳам илм олишни яхши кўрадилар. Бироқ уларда ҳафтада атиги уч марта инглиз тили дарслари бор ва бу етарли бўлмаслиги мумкин. Агар инглиз тили сабоқлари кенгроқ ўрин берилса, яхшироқ ўрганишлари ва кўпроқ билимларга эга бўлишлари мумкин. Бунинг учун юртингизда барча имкониятлар бор.

– Ўзбекистоннинг ёшлари зўр! Улар ҳақиқатан ҳам илм олишни яхши кўрадилар. Бироқ уларда ҳафтада атиги уч марта инглиз тили дарслари бор ва бу етарли бўлмаслиги мумкин. Агар инглиз тили сабоқлари кенгроқ ўрин берилса, яхшироқ ўрганишлари ва кўпроқ билимларга эга бўлишлари мумкин. Бунинг учун юртингизда барча имкониятлар бор.

Нуриддин СИРОЖИДИНОВ
суҳбатлашди

ТАЪЛИМ – КЕЛАЖАККА КЎПРИК

Иккинчи жаҳон урушидан вайроналар мерос қолган Финляндия бепул таълим, ўзини ўзи бошқариш, гендер тенглиги, фуқаролик жамияти, бир қарорни қабул қилишда консенсус (барча томонларнинг ўзаро розилиги) ва барча аҳоли учун кафолатланган ижтимоий ҳимоя каби қатор омиллари билан дунёда ўрнатилган давлатга айлана олди.

Биргина кутубхона хизматини олайлик. Финляндия кутубхоналардан фойдаланувчилар коэффициенти бўйича дунёда биринчи ўринда туради ва ҳар бир фойдаланувчи бир йилда ўртача 17 та китоб ўқийди. Финляндия парламентида "Келажак масалалари" билан шуғулланувчи алоҳида парламент кўмитасининг борлиги ҳам таълимга лойиқ. Давлат ҳаётида ошқоралик тамойилига амал қилиш ҳам ҳавас қиларлик даражада. Масалан, юридик ва жисмоний шахслардан олинган солиқлар, уларнинг солиққа тортилувчи даромадлари ҳақидаги маълумотлар жамият учун мутлақо очик. Айни шу омил Финляндияни коррупциядан ҳоли давлатлар қаторида турини таъминлади.

Мамлакатнинг энг катта ютуғи бошланғич ўрта таълим учун яратилган ўқув режасининг сўдда ва мукамаллиги ҳамда ўқитувчининг жамиятда асосий нуфузли шахслардан бирига айлантирилганидир. Ўқитувчилар малакасига ишонч шу даражада юқорики, таълим устидан ҳеч қандай комиссия текширув ўткази олмайдди. Барча муаммолар кучли касба уюшмаси ташки-

Маълумки, Финляндия ер юзидagi кичик давлатлардан бири бўлишига қарамай кўп соҳаларда анча илгарилар кетган. Мазкур мамлакат билан боғлиқ айрим ҳайратомуз фактларга эътибор қаратамиз.

Финляндия тажрибаси

лоти ва иш берувчи ўртасидаги музокара оққали ҳал этилади. Узини ўзи бошқариш органлари ва ота-оналар жамоатчилигининг мактаб ҳаётидаги ўрни жуда катта.

Финляндияда таълимнинг асосида ўқувчиларни ёдлашга эмас, балки фикрлашга ўргатувчи меъёрлар ётишини ҳам алоҳида таъкидлаш лозим. Бунда рақобат эмас ҳамкорлик муваффақият калити деб ҳисобланади.

Юқорида санаб ўтилган омиллар фин миллатини энг ўқинишли миллатлардан бирига айлантирди ва мамлакатда "Таълим – бу келажакка кўприқдир ва бошланғич ўрта мактаб мазкур кўприқни кўтариб турувчи устундир" шиори биринчи ўринга чиқди.

Шу ўринда бизда умумий ўрта таълимнинг асосий муаммоси нимада, деган савол туғилади. Фикримча, муаммо 45 дақиқалик дарс жараёнида ўқитувчининг авторитарик мавқега эга фигурага айлантирилганлигида. Финляндияда эса таълимнинг марказида биринчи навбатда ўқувчи шахси туради. Бу – дарс жараёнида ўқитувчи ва ўқувчи ҳуқуқининг тенглиги, ўқувчи дарсда оддий тингловчи эмас, ўқитувчи билан тенгма-тенг иштирок этиши ва муаммони ҳамкорликда ечиш учун зарур муҳитнинг яратилганлиги дегандир. Эндилда таълим соҳасида ўтказилган ислохотларимизнинг моҳиятини шу омил ташкил этади.

Усмон ЖЎРАЕВ,
Бўка туманидаги 8-мактаб ўқитувчиси

Охири вақтларда телевидение ёки ижтимоий тармоқларда ҳам оила, эр ва хотин ўртасидаги муносабатларга тегишли мавзуларда кўпгаб кўрсатув ва видеопойхалар тақдим этилмоқда. Буларга пропорционал равишда, афсуски, ажримлар сонида ҳам кескин юқорилаш кузатилмоқда. Вилоятимизда 875 мингдан зиёд оила мавжуд бўлиб, шундан 220 мингга яқини 4 ш оилалар ҳисобланади.

Ўтган йили вилоятимизда жами 4 миңг 826 та оила ажрашган, уларнинг 1 миңг 700 дан зиёди ФХДЭ бўлимларида, қолгани суд қоронига асосан қайд этилган. Лекин ажримлар соли 2022 йилга нисбатан 272 тага камайган. Бу натижага эришиш учун низоли оилалар чуқур ўрганилди, ёшларни ҳаётга тайёрлаш, оилавий қадриятларни мустаҳкамлаш бўйича комиссия аъзолари, отиний, имом-хатиблар, ибратли оила вакиллари, фаол шахслар

ОИЛАВИЙ АЖРИМЛАР – ЖАМИЯТНИНГ ТАНАЗЗУЛИ

бириктирилиб, вази-лар механизми ишлаб чиқилди. Маҳаллалардаги низоли оилалар аниқланиб, қизил, сариқ ва яшил худудларга ажратиб олинди.



Ўрганишларга кўра, Охангарон туманида оила мустаҳкамчилигини таъминлаш ва ажримларнинг олдини олиш бўйича ижобий натижаларга эришилганини инобатга олиб, "Охангарон тажрибаси" йўлга қўйилди. Шунингдек, аҳолининг ҳуқуқий саводхонлигини ошириш, уларга манзилли ҳуқуқий ёрдамлар кўрсатиш, низоли оилалар билан ишлаш мақсадида суд, прокуратура, ички ишлар ва адлия органлари ходимлари ҳам жалб қилинди.

Ажримларнинг асосий сабаби – фарзандсизлик, ичкилик ва бунинг натижасида оиладаги нотинчликлар, моддий етишмовчиликлар, миграция... Сабаблар тонай десак, тугамайди-дегек, гўё. Умуман олиб қараганда, оила ҳам бир давлат. Катта мамлакат ичидаги кичик бир "давлатча"лар. Нима деб ўйлайсиз, кичик бир давлатда бўлган ёки бўлаётган парокандалик кўпгаб инсонлардан иборат жамиятга ё мамлакат ривожига таъсир қилмайдими?
Сир эмас, оиладаги жанжаллар исизилик натижасида ҳам юзага келади. Шу боис хотин-қизларни касб-хунарга ўқитиш, уларни иш билан таъминлаш оққали ҳам кўпгаб ажримларнинг олди олинмоқда. Масалан, 2023 йилда 91 миңг 216 нафар хотин-қизларнинг бандлиги таъминланди. Уларнинг 15 миңг 500 нафари доимий иш билан таъминланиб, 29 миңгдан зиёди касб-хунарга тадбиркорликка ўқитилди, 22 миңгга ўзини ўзи банд қилишга эришилди. Шунингдек, хунардандчилик, фермерлик йўналишида субсидия ажратилди, ўн олти миңдан зиёд хотин-қизга турли микдорда кредитлар берилди.

Ижтимоий оғир шароитдаги хотин-қизларнинг 90 миңг 112 нафари "Аёллар дафтари"нинг 4-босқичига киритилган, шундан 89 миңг 536 нафарига ёрдам кўрсатилди.
Эътиборлиси, айни пайтда вилоятимизда миңдан зиёд хунарданд ва 135 нафар фермер аёллар фаолият юритмоқда.
Донишмандлар айтганидек, "Қўшнинг ҳам ини бузилмасин". Оила – муқаддас кўрган. Унинг қал талипинадиган даргоҳ, хотиржамлик масканига айланиши оиланинг ҳар бир аъзосига боғлиқ. Шундай экан, муқаддас кўрганларимизни асрайлик.

Зухра МИРГАЗИЕВА,
Тошкент вилояти ҳоқимининг ўринбосари,
Оила ва хотин-қизлар бошқармаси бошлиғи

ТАЛАБ ВА ТАКЛИФНИ ЎРГАНИБ КАМ БЎЛМАДИК

Янгийўл туманидаги "Asia premium textile" масъулияти чекланган жамияти асосан пайпоқ ишлаб чиқаришга ихтисослашган. Тайёр маҳсулотнинг 80 фоизи экспортга йўналтирилади. Шунинг учун ҳам корхонада жаҳон стандартларига тўла мос келадиган рақобатбардош маҳсулот ишлаб чиқаришга алоҳида эътибор қаратилиб, пайпоқлар 100 фоиз пахта толасидан тўқилмоқда.



Маълумки, пайпоқ тез яроқсиз ҳолга келиши сабабли унга талаб юқори. Ҳозирда ишлаб чиқариш жараёни шу қадар такомиллашганки, бир жуфт пайпоқни тўқиш учун бир дақиқадан кам вақт сарфланади. Аниқроқ айтганда булсак, бир суткада ускуналар ёрдамида 1 миңг 500 жуфт маҳсулот ишлаб чиқариш мумкин.

ридорларга сифатли маҳсулот етказиб бериш мақсадида кичик корхона очишга эришдик. Кредит эвазига замонавий ускуналар олиб келиб ўрнатдик. 2016 йилдан бери маҳсулотимизни Россия ва Қозоғистон давлатларига экспорт қилияпмиз. Албатта, четдан харидор топиш осон бўлмади. Бунинг учун ўша давлатга бориб, бозордаги талаб ва таклифни ўргандик. Президентимиз ўтган йили тадбиркорлар билан ўтказган очик мулоқотда: "Биз тўғри ишлаётган, иш ўрни яратётган, илгор

технологиялар жорий қилиб, янги маҳсулотларни ўзлаштираётган, экспортни ошираётган бизнес вакиллари учун барча шароитларни яратиб беришга тайёрмиз", дея таъкидлади. Ҳақиқатан ҳам юртимизда тадбиркорларга яратилган имкониятлардан фойдаланиб, шу даражага эришдик. Бундан кейин ҳам экспорт ҳажмини ошириш ҳаракатидамиз.

Раҳбарнинг айтишича, турли мавсумлар учун пайпоқ тўқиш 2-3 ой олдин бошланади. Маҳсулотнинг сифати, пишиқлиги доимий назоратда. Дизайни устида ҳам алоҳида ишланади, шунинг учун ҳам улар бир-бирини тақроқламайдди.

Корхона фаолиятини йўлга қўйгани "Қўшеғоч" маҳалласи аҳли учун айни муддао бўлди. Ҳозир корхонада 40 нафар ишчи меҳнат қилмоқда, кейинчалик уларнинг сонини 200 нафарга етказиш режа қилинган.

Нозима РАСУЛОВА,
"Тошкент ҳақиқати" мухбири
Жалолiddин ЭСОНОВ
олган суратлар

(Давоми. Бошланиши 1-саҳифада)

“Юлдуз”ларинг қани, ЯНГИ ЎЗБЕКИСТОН?!

■ Шахсий фикр

Хабарингиз бор, “Янги Ўзбекистон юлдузлари” маданият ва санъат миллий мукофоти ғолибларини тантанали тақдирлаш маросими ўтказиб келинмоқда. Маданият вазирлиги томонидан ташкил этилган кўрик-танловда театр, кино, эстрада, анъанавий ижрочилик, цирк, аския, бахшичилик сингари 20 та номинация бўйича йилнинг энг яхшилари тақдирланади.

Дастлаб, “Янги Ўзбекистон юлдузлари” маданият ва санъат миллий мукофоти комиссияси томонидан йил якуни бўйича ижодий фаолиятида эришган ютуқларидан келиб чиққан ҳолда ҳар бир номинация бўйича энг яхши 3 нафар номзод танлаб олинади ва “milliytanlov.uz” платформаси орқали овозга қўйилади. Яъни, ғолиблар жамоатчилик томонидан аниқланади.

Танловнинг 2023 йилда ўтказилган мукофотлаш маросими жуда чиройли ташкиллаштирилиб, энг муносиблар тақдирланган эди... Бу йил ундай дея олмаيمان...

Сунги пайтларда санъат ва маданиятга оид танқидий фикрларим сабаб бундай тадбирларга мени чақирмай қўйишган... Аслида бори-борини ёзаман ва бу менинг шахсий фикрим... Бу йилги танлов ҳақида ҳам баъзи бир мулоҳазаларимни баён этмоқчиман.

Масалан, “Йилнинг энг яхши анъанавий эркак хонандаси” ва “Йилнинг энг яхши анъанавий аёл хонандаси” номинациясига қўйилган ижрочиларга тўхталсак. Анъанавий ижрочиликка – ўзбек қўшиқлари, ўзбек мумтоз ашулалари ва

мақомларини мохирона ижро этувчилар киради. Бу номинацияда Ўзбекистонда хизмат кўрсатган артист Ильёс Арабов, Тўрабек Мухторов, Элдорбек Махсудов, Моҳичеҳра Жуманова, Феруза Очилова, Дурдона Шодмоноваларнинг номзодлари қўйилган эди. Улар YouTube каналида умуман йўқ ва шу сабаб уларнинг обуначилари деярли йўқ, деса ҳам бўлади. Энг қизиғи, Ильёс Арабов, Тўрабек Мухторов ва Феруза Очиловалар деярли 20 йилдан ортиқ саҳнада ижод қилиб келишди. Уларни айнан “Янги Ўзбекистон юлдузлари”, дея айта олмаيمиз. Номзодлар айнан қайси мезонлар асосида бу танловга олинади, номинацияга ажратилади, менга қоронгу. Авваламбор, уларни шу номинацияга қўйилишининг ўзи хато. Сабаби, бу ерда барча номзодларнинг даражаси бир бўлиши керак.

Тўғриси айтганда, айнан “Йилнинг энг яхши анъанавий эркак хонандаси”да ғолиб бўлган ижрочини оддий томошабинлар ҳам, мақомнинг асл мухлислари ҳам, ҳаттоки мақом йўналишида ижод қилаётганларнинг ўзи ҳам яхши билмас ва танишмас экан (кўпчиликлари

билан гаплашиб кўрдим ва шу фикрга келдим). Ушбу йўналишда овозлар натижасига кўра ғолиб деб топилган Элдорбек Махсудов 3 минг 828 та, Тўрабек Мухторов 30 та, Ильёс Арабов эса 2 минг 667 та овоз олганлигини мониторинг кўрсатишди. Очиғи, саҳнада шу ижодкорларнинг турган аҳолини кўриб, уларга қайсидир маънода ачиндим. Ҳатто устоз санъаткор, Ўзбекистон халқ ҳофиси Бекназар Дўстмуродов ҳам ғолибнинг фамилиясини аниқ айта олмади (чунки ижрочини танимайди).

Айнан ғолиб деб топилган ижрочини YouTube каналидан излаб топдим. Адашмасам, бу ижрочи Отабек Муҳаммадзоҳиднинг шоғирдларидан бири экан. Барча видеоларини кўриб чиқдим. Ҳамма видеолари тўй ва хизматларга борганда ижро этилган лавҳалар, кўшиқлардан иборат. Энди савол туғилди: бу қўшиқчининг анъанавий

ижрога қанчалик тааллуқли жойи бор? Айнан анъанавий ижрога тааллуқли бўлган бирорта видеосини кўрмадим. Бу ижрочининг шунчалик ғолиб бўлиши муҳим бўлса, унда уни “Энг яхши эркак хонанда” номинациясига бериш керак эди, бу йўналишдаги номинацияга эмас. Эҳси...

“Йилнинг энг яхши анъанавий аёл хонандаси” номинантларига тўхталиб ўтишни лозим кўрмадим. Сабаби, аҳвол худди шундай.

Менга “Йилнинг энг яхши эркак хонандаси” ва “Йилнинг энг яхши аёл хонандаси” номинациясига қўйилган ижрочиларни ҳам қабул қилиш анча қийин бўлди (Муҳаммадзиё, Достон Эргашев, Жаноб Расул, Афруза, Севинч Исмоилова ва Жасмин).

Тўғри, улар бугун YouTubeда кўп кўриладиган хонандалар бўлиши мумкин, лекин улар томонидан шу кунгача ижро этилган қайси қўшиқни айнан ўзбек санъатининг бир бўлаги деб айта оламиз. Яна бир гап-да: устозларнинг ўзлари катта мажлисларда, айнан шу ижрочиларни танқид қилишди, ле-

кин яна ўзлари шу каби нуфузли тадбирларда уларни кўтар-кўтар қилишди, номзодларини қўйиб, мукофотлар беришди. Аслида бу каби номинацияларга ҳақиқий ижод қилаётган, қўшиқлар яратаётган, ўзимизнинг миллий оҳанглари сақлаб келаётган, сўзга катта эътибор бераётган ва ўзбек мусиқасига ҳурмат билан ёндашаётган ижрочиларнинг номзодини қўйиш керак эмасми?!

Бу менинг шахсий фикрим. Кимгадир ёқмаслиги аниқ. Кимлардир “Бу Янги Ўзбекистон ижрочилари”, дейиши мумкин. Лекин, ана шу Янги Ўзбекистон ижрочилари қўшиқ яратаётганда сўзга ва миллий мусиқамизга нега эътибор бермасликлари керак?! Уларнинг бирон бир тош босадиган қўшиғи борми ўзи?!

Очигини айтман, қўйилган номзодларнинг муҳлиси эмасман, уларни деярли эшитмайман. Балким, бу ёшим билан ҳам ғолибдир. Агар кейинчалик ўзбек қўшиқчилигини шу ижрочилар билан

ган хонанда ёки ижрочини чиқариш керак эди. Айнан “Хабиви” қўшиғи билан эмас! Агар шу каби тадбирларда Муроджон Аҳмедов, Мамуржон Узоқов, Таваккал Қодиров, Комилжон Отаниёзовнинг ва ана боринги, ўзбек миллий қўшиқларига қўйилган рақсларни кўрсатмасак, қачон кўрсатамиз?! Бу рақс қайсидир бир кичик тадбирларда ёки концерт дастурларда бўлиши мумкин, лекин бу каби тақдимот маросимида эмас...

Айнан шу ерда “Мустаҳзод”, “Дилхирож”, “Жонон бўламан”, “Анджон полкаси” каби ҳақиқий ўзбек миллий рақслари кўрсатилишини истар эдим, гарчанд булар кўп ижро этилган бўлса ҳам. Юртимизда кўп-кўп устоз санъаткорлар, рақснинг ҳақиқий афсоналари бор, наҳотки улар шу номинациядан сўнг яхши бир ўзбек рақси қўйилиши кераклигини ташкилотчиларга эслатмаган бўлсалар?! Ўзларингизга шу жараён ғалати туюлмади?!

Юқорида айтганимиздек, ғолиблар овоз бериш йўли орқали аниқланади. Бу каби танловларда шу йўл билан ғолибларни аниқлаш катта хато, деб биламан. Чунки, бугун овоз тўплаш ва йиғиш муаммо эмас. Таниш-билишларнинг, қаришдош-уруғларнинг, қуда-андаларингиз, дўстларингиз, синфдошларингиз, курсдошларингиз кўп бўлса, ҳаммасига илтимос қиласиз. Улардан нима кетади, шунчаки битта овозини бериб юборишди. Ҳаттоки, шу танишларингиз бошқалардан ҳам илтимос қилиб, сизга янада кўпроқ овоз тўплашга ёрдам бериши мумкин. Узруқ, бир сўз билан айтганда, бунинг тиламчиликдан фарқи йўқ. Бу каби танловларда профессионал, ўз ишининг усталари, санъатимиз даргаларидан иборат бўлган ҳакамлар ҳайъати бўлиши ва айнан улар томонидан энг муносиблар танлаб олиниб, ғолиб аниқланиши керак. Овоз бериш каби жараёнлар бир телеканалнинг оддий бир мусиқий лойиҳасини эслатади, ҳолос.

Танловда менга маъқул бўлган – “Йил кўшфиёти” номинациясида Маданият ва санъат институтининг 1-босқич талабаси, 17 ёшли Зоҳиджон Жуманазаровнинг эътироф этилиши бўлди. Зоҳиджон Жуманазаров IQ даражаси бўйича тест топшириб, 200 балл тўплашга эришган. Бу рекорд. Сабаби ер юзиде IQ даражаси энг юқори ҳисобланади. Шу каби ёшларни айнан “Янги Ўзбекистон юлдузлари” дейишимиз мумкин.

Сиз нима дейсиз?..

Насриддин АСРИДИНОВ,
журналист



Ўзгидромет хабари ФЕВРАЛЬ ОЙИ ОБ-ҲАВОСИ ҚАНДАЙ БЎЛАДИ?

Юртдошларимиз ушбу қиш мавсумида ҳозирга қадар 5 маротаба қор кўришди. Шу билан қиш фаслининг икки ойи ҳам поёнига етиб, учинчиси бошланди. Қизиқ, февраль ойи қандай ўтади?

Ўзгидромет тақдим этган маълумотларга кўра, февраль ойи январга нисбатан 2-2,5 градусга, тоғларда 1-1,5 градусга илиқроқ бўлиши кутилмоқда. Ўзбекистон худудининг катта қисмида ўртача ойлик ҳаво ҳарорати 1-4 градус илиқни, жанубда 5-8 градус илиқни, шимолда 0-3 градус совуқни ташкил этиши маълум қилинган. Аммо “Қишнинг бир кунни қолса ҳам кўрк” дейишган.

Февраль ойида кўпинча баҳорий илқ об-ҳаво даврлари кузатилади. Бунда табиат ўйғонади, бодом, ўрик, олхўри, олчанинг эрта навлари гуллаб бошлайди. Кўпинча, ҳавони қисқа вақтга бундай тез иситишдан сўнг, қишқи совуқлар яна қайтади. Умуман олганда, ушбу асрда, 2004, 2016 ва 2021 йилларнинг февраль ойлари энг иссиқ келиб, ўртача ойлик ҳарорат иқлимий меъёрдан 3-6 градус юқори бўлган.

Ўзгидрометга кўра, жорий йил февраль ойи одатдагидан бироз илиқроқ, ўртача ойлик ҳаво ҳарорати меъёр атрофида бўлиши кутилмоқда, баъзи жойларда 2-4 градус илиқни, шимолда 2 градус совуқ, 1 градус илиқни, жанубда 6-8 градус илиқни ташкил этиши айтилмоқда.

Шунингдек, ой давомида ёғингарчилик миқдори меъёрдан кам, баъзи жойларда меъёр атрофида бўлиши кутилмоқда.



Дорихонами ёки АРТЕКА?

Зарурат юзасидан дорихоналарга кўп ишимиз тушади. Аниқ-са, шифохоналар ва одамлар гавжум жойлардаги ҳар 5 та бинонинг 3 таси дорихона. Бу қайсидир маънода яхши бўлиши мумкин. Аммо дорихона пештоқидаги ёзувга ҳам жиддий эътибор қаратиш керак-да!

Dorixona ўзбек тилидаги, аптека рус тилидаги сўз. Аммо Аптека-чи?

Сўз рус тилида, аммо ёзув латин ёзуви асосидаги ўзбек алифбосида. Буни қандай изоҳлаш мумкин? Ахир, ҳеч қайси миллат бошқа бир тилдаги сўзни ўз алифбосига мослаб ёзмайди-ку?!

Нега биз ватанпарвар эмасмиз?!



Ажаб савдолар Йўлланма

гиз орқага тортиб кетади. Навбат олиш учун навбатга турдим. Тўрт соат кутишим керак экан.

– Клиникамизнинг телефон рақами борми сизда? – сўраб қолди навбат ёзиб берган чиройли қиз.

– Йўқ.

– Врач йўлланмасига қаранг, бўлиши керак.

Йўлланмага қарадим, ростдан клиника рақами ёзилган экан. Тасодиф бўлса керак, менга йўлланма ёзиб берган врач ҳам шу клиника бренди босилган дафтарчадан ишлатаркан... Яхши гумонда бўлдим.

– Уша рақамга йўлланмени суратга тушириб, ташлаб юборинг, илтимос...

Мен чиройли қиз айтганидек қилдим.

Исомиддин ПЎЛАТОВ

Ҳадеб қийинчиликни ўйла-версанг, ўша қийинчилик бошингга тушади. Яхшилик ҳақида ўйла-версанг, теъза уша яхшилик ҳам келади. Бу худди гипнозга ўхшайди.

Масалан, “Ухладим, ухладим”, деяверсанг, ухлаб қоласан.

“Мен касал бўлдим” деяверсанг, касалликка чалинасан.

“Шифо топдим” деяверсанг, шифо топасан. “Қушим битди” деяверсанг, охирлаб қоласан.

Ироданинг аланга мисол сеҳри барча нарсани рўёбга чиқаради.

Доктор Мустафо Махмуд

Инсон нафақат бошқалар, шу билан бирга ўзига нисбатан ҳам буткул мунофиқлик, рифкорлик, ёлгончилик, иккиюзламачилик қиладиган мавжудотдир.

У ўзи ҳақида ҳақиқатни эшитишни истамайди, бошқалар олдида уни тан олишдан қочади. Ақл-идрок ва адолатга қарама-қарши бўлган бу майллар одам боласи қалбидан жуда чуқур жой олган.

Блез ПАСКАЛЬ

Эълон

“Global Insurance Group” акциядорлик жамиятига тегишли қуйидаги рақамлардаги суғурта полислари йўқолганлиги сабабли бекор қилинади.

№	Полис	№	Полис	№	Полис
7	GIG 0015592	14	GIG 0024917	21	GIG 0014149
8	GIG 0015647	15	GIG 0024969	22	GIG 0014206
9	GIG 0022337	16	GIG 0024986	23	GIG 0019532
10	GIG 0022346	17	GIG 0026820	24	GIG 0019656
11	GIG 0022423	18	GIG 0026907	25	GIG 0019663
12	GIG 0022438	19	GIG 0026907	26	GIG 0023005
13	GIG 0024868	20	GIG 0026929	27	GIG 0023089
11	GIG 0009688	21	GIG 0024868	28	GIG 0023132
12	GIG 0009729	22	GIG 0014206	29	GIG 0026331
13	GIG 0009742	23	GIG 0019532	30	GIG 0026341
14	GIG 0009778	24	GIG 0019656	31	GIG 0026379
15	GIG 0012192	25	GIG 0019663	32	GIG 0026419
16	GIG 0012239	26	GIG 0023005		
17	GIG 0012251	27	GIG 0023089		
18	GIG 0012296	28	GIG 0023132		
19	GIG 0012297	29	GIG 0026331		
20	GIG 0014133	30	GIG 0026341		
21	GIG 0014149	31	GIG 0026379		
6	GIG 0014910	12	GIG 0024434		
7	GIG 0014940	13	GIG 0024464		
8	GIG 0014964	14	GIG 0024466		
9	GIG 0018432	15	GIG 0024493		
10	GIG 0018536	16	GIG 0025351		
11	GIG 0024419	17	GIG 0025362		



Хатарли ҚАТАР

ёхуд "исириқланмаган ҳудуд"



Айни кунларда Қатар давлати футбол бўйича катталар ўртасидаги Осиё кубогига мезбонлик қилмоқда. Қувонарлиси, турнирда Ўзбекистон терма жамоаси муваффақиятли юришини давом эттириб, чорак финалга етиб келди. Унда вакилларимиз ярим финал йўлланмаси учун мезбон жамоа – Қатарга қарши баҳс олиб боришади. Аммо, нохуш хабарлар ҳам йўқ эмас. Булар футболчиларнинг саломатлиги билан боғлиқ...

Маълумотларга қараганда, бўлажак беллашувга тайёргарлик жараёнларида Отабек Шукуров, Шерзод Насруллаев ва Умар Эшмуродов сингари футболчилар шамоллаб қолишгани боис иштирок этишмаган. Улар катта эҳтимол билан чорак финал баҳсида қатнаша оlishмайди. Камига жамоанинг турнирдаги етакчиси ва сардори Жалолиддин Машариповда ҳам касаллик алomatлари сезилган. Бироқ, у тайёргарлик жараёнини ўтказиб юборишни истамаган.

Аслида ҳам негадир Қатардаги мусобақанинг "пойқадами" футболчиларимиз учун оғир келди, жароҳатлар терма жамоа аъзоларини қуршаб ола бошлади. Турнир стартига санокли кунлар қолганида жамоа сардори ва тўпурари Элдор Шомуродов оёқ бармоғининг синиши натижасида сафдан чиқди. Кейинчалик, мусобақага тайёргарликнинг сўнгги босқичи якунланиши арафасида жа-

моанинг яна бир асосий футболчиси Хусниддин Алиқулов ҳам жароҳат олди. Шу тариқа, илк баҳсга икки нафар етакчи мусобақани майдон ташқарисидан кузатишга мажбур бўлди. Бироқ, бу ҳали бошланиши эканини мутахассислар, на мухлислар биларди. Ачинарлиси, ҳар бир баҳсда камидан бир футболчимиз сафдан чиқа бошлади.

Сурияга қарши кечган гуруҳ босқичининг илк туридаги баҳсда вакилларимиз 0:0 ҳисобида дуранг натижа қайд этди. Мазкур беллашувда яна бир асосий футболчимиз Ҳожаикбар Алижонов жароҳат олиб, келгуси баҳсларда жамоага ёрдам беролмайдиган бўлди.

Иккинчи турда Ҳиндистон билан куч синашган вакилларимиз 3:0 ҳисобида зафар кучди. Аммо, бу га-

лаба бир тур олдин жароҳат олган Алижоновнинг ўрнида ҳаракат қилган Шерзод Насруллаевнинг "қурбонлиги" эвазига амалга ошди. У ҳам соғлигидаги муаммо сабаб ўша баҳсдан кейин майдонда кўришни бермади.

Турнирнинг энг кучли жамоаларидан бири сифатида қаралаётган

Австралияга қарши сўнгги тур учрашувида дуранг натижага эришдик, тарихий голни киритдик, лекин, яна бир



"қурбонлик"... Жамоанинг асосий ҳужумчиси Элдор Шомуродовнинг йўқлигини билдирмаслиги зарур бўлган Игор Сергеев ҳам жароҳат олиб, камидан 6 ойга сафдан чиқди. Бу эса ҳужум чизигидаги мавжуд муаммонинг янада ортишига олиб келди.

Гуруҳ босқичини мағлубиятсиз якунлаб, нимчорак финалга йўл олган вакилларимиз, ушбу босқичда "чақилмас ёнғоқ"қа айланган Таиланд билан рўбарў келди. Мазкур баҳсда таркибдаги қатор футболчиларнинг йўқлиги билиниб, зўр-базўр ғалаба қозонган Ўзбекистон терма жамоаси кейинги босқич масаласини ҳал қилди. Фақат яна бир йўқотиш билан... Бу гал марказда ҳимоя ва ҳужумни боғловчи асосий футболчи Отабек Шукуров ҳамда ушбу турнирнинг барча учрашувларида тўлиқ ҳаракат қилган ҳимоячи Умар Эшмуродов соғлигидаги муаммо сабаб Қатарга қарши майдонга тушмаслиги деярли аниқ бўлди. Буни қарангки, асосий ҳимоячи, Франциянинг "Ланс" клуби аъзоси Абдуқодир Хусанов ҳам карточкаларининг кўпайиши ортидан дисквалификация қилинган.

Атайлаб қилгандек, Жалолиддин Машариповда ҳам касаллик бел-

гилари кузатилгани ҳақида маълумотлар тарқалмоқда.

Қизиқ, Қатар билан ўйинда иштирок этиш учун кимлар қолди? Терма жамоанинг шифокорлар штаби футболчилар соғлиғига шу қадар эътиборсизми ёки футболчиларнинг жисмоний ҳолати шу қадар ёмонми? Бу мусобақадан кейин ўртага ташланадиган асосий мавзу бўлса, ажабмас. Ҳозир эса энг асосий мақсад – Осиё кубогига муваффақиятли иштирок этиш. Бироқ бу осон кечмайди. Айни дамда жамоа аъзоларининг деярли ярмида соғлиги билан муаммо мавжуд. Бу кетишда Қатарни энгб ярим финалга чиқса, аммо "анъана" давом этса...

Ижтимоий тармоқларда мазкур воқеалар ортидан мураббий Сречко Катанецнинг ҳимоячи эканлиги, футболчи қолмаганда, унинг хизматларида фойдаланиш мумкинлиги ҳақида турли юморнамо гап-сўзлар тарқалмоқда. Уларнинг тобора ҳақиқатга айланиб бораётгани футбол мутахассислари-ю, мухлисларни ташвишга солаётгани бор гап.

Умид қиламизки, бу ҳолат содир бўлмайди. Биз эса Қатардан фақат хушxabарлар кутамиз.

Суҳробжон САДИРОВ,
"Тошкент ҳақиқати" муҳбири

Сарчашма




Навоий ҳикоятлари

Кишининг одоби унинг бойлигидан яхшидир. ***
Охират савоби дунё роҳатидан яхшидир. ***
Тил зарбаси – тиш оғригидан кучлироқ. ***
Кўп тоатдан – оз маърифат яхши, ақлли душман аҳмоқ дўстан яхшироқдир. ***
Ёмон дўст – шайтондир.

Тил сукути – инсон саломатлиги. ***
Сени ёмонликка бошлаган киши душманингдир. ***
Кимки кўнгилни қаттиқ сўз билан жароҳатлар экан, унга аччиқ тил заҳарли найзадек санчилади. ***
Мулоим сўз – ваҳшийларни улфатга айлантиради; сеҳргар – оҳанг билан афсун ўқиб, илонни индан чиқаради. ***
Кўп, бемаза сўзлайдиган эзма – кечалари тонг отгунча тинмай хурадиган итга ўхшайди. Тили ёмон одам – халқ кўнглини жароҳатлайди, ўз бошига ҳам офат еткази.

ҲАҚИҚАТГА АЙЛАНГАН ОРЗУ

Алишер Навоий ҳазратлари Самарқандда ўқиб юрган кезларида Бухорои шарифни зиёрат қилишни орзулабдилар. Самарқандда тўхтаб ўтадиган карвонларга қўшилиб, бир гуруҳ дўстлари билан Бухорога йўл олибдилар. Карвон йўли юриб, йўл юрса ҳам мўл юриб, Кармандан ўтиб «Малик робот» карвонсаройига келиб тўхтабди. Йўловчилар дам олиб, туялар ва отларни суғорибдилар. Мешларни сувга тўлдирдилар. Навоий ҳазратлари Малик робот ва Сардобани барпо этганлар руҳига тиловат қилибдилар. Сафар давомида ён-атрофдаги чўл-у саҳроларни кузатиб, уйга толибдилар. «Қани энди, менинг Фарҳодларим,



Ривоят

Ширинларим шу бепоён саҳроларга келиб, шу жойларни обод этсалар, сув чиқариб, боғ-роғлар барпо қилсалар, иморатлар, йўллар, масжиду мадрасалар, шифохоналар курсалар, саҳролар ўрнида гўзал бир юрт бунёд бўлса», деб орзу қилган эканлар. Қарангки, орадан асрлар ўтиб, Яратганнинг марҳамати ва бобомизнинг дуолари, халқимизнинг меҳнати эвазига тиловат ўқилган жойлар боғ-роғларга айланиб, азим бир шаҳар бунёд бўлди ва ҳазратнинг шарафига «Навоий» деб аталди.

Моҳият

Ҳаётий тажрибалар шуни кўрсатадики, муваффақиятга қобилиятдан кўра кўпроқ тиришқоқлик билан эришилади. Ўз ишига жон-у жаҳдини бериб ишлаган инсон албатта ғолиб бўлади.

Томас Фауэлл Бакстон

90 сония танаффус

Ўзингиздаги ҳис-туйғулар ва ўзгалар ҳақидаги қарашларни асл ҳолида кўрмоқчи бўлсангиз, 90 сония сабр қилинг. Ҳар қандай ҳис-туйғу: ғазаб, қаҳр – денгиз тўлиқини каби 90 сония ичида су-сайиши мумкин.

Бир инсон ёки вазият ҳақида ўйламаслик учун ўзингизга 90 сония вақт беринг – бу тахминан 15 марта чуқур нафас олиб чиқаришга тенг вақтдир. Ана шунда шошилиш ва қизиққонлик билан чиқарган қарорларингиз учун келажақда афсусланмайсиз.

Синов

– Битта "уч"га шуми? – деди кафедра мудир Шайдоев доцент Пайдоевнинг қўлидаги шишага қараб. – Сен унга "уч" кўйдинг, у сенга шуни берди, а? – Бергани йўқ, – деди Пайдоев шумшайиб, – сумкага солиб кўйди. – "Уч"ни кўйиб бўлганидан кейин солдимми? – Йўқ. Солиб кўйганидан сўнг "уч" кўйдим. – Ҳаяжонланмадингми? – Нимага энди, биринчи марта имтиҳон оляпманми? – Ўзим, – деди Шайдоев шисани у ёқ-бу ёққа айлантариб. – Сенингча, шу "уч"га арзийдими энди? – Арзийди! – Мазасини кўрмай ишонч билан гапирётганингни қара! Эҳтимол, кўлболадир?! – Тозаси! – Ўзи айтдимми буни?.. Алдаган бўлмасин тагин. – Алдаёлмайди! – Ҳозир синаб кўраимиз. Қани, очиб кўй-чи! – Оҳ-оҳ, айтганингча бор экан, – деди Шайдоев яна бир бор шишага қараб. – "Тўрт" кўйсанг ҳам бўларкан, алдаматти. – Алдаб кўрсин-чи, – деди Пайдоев пиёла-ларга тўлдириб қуяр экан. – Кейинги чоракда ҳам менга имтиҳон топиради ҳали...

Шанба табассуми



АИРИМ МАЪРУЗАЛАРДАН КУЧИРМАЛАР

"Менга берилган ҳайфсанни бутун жамоамизга берилган ҳайфсан деб биламан".
"Мен бу ерга ишга келганимда битта синиқ стул бор эди. Мен кетсам шу ҳам қолмайди".
"Дунё тор кўринса, кўзларингизни каттароқ очинглар".
"Ҳаммаси ўзингизники бўлгандан кейин алдаб ҳам бўлмас экан".
"Мен соқов бўлмаганимда бу курсига ўтирмасдим".
"Ҳамма ақллиларни ишга олаверсақ, менинг бу ерда нима керагим бор?"

"Аёлдан бўса олиш учун бировларнинг ташаббусини кутиб туриш шарт эмас".
"Бошлиқ доимо олдинда юриши керак, ҳатто замбил кўтарганда ҳам".
"Ҳар бир кишининг қадамини ўлчаёверсақ, ҳисобдан адашиб кетамиз".
"Ҳақиқатга бало ҳам урмайди, қийин-қийин, уни айтганга қийин".
"Кўнгилга кириб боришинг энг мақбул йўли – жигилдон".
Илҳом ЗОЙИР



TOSHKENT HAQIQATI
TASHKENTSKAYA PRAVDA

Muassis:

TOSHKENT VILOYATI HOKIMLIGI



"Toshkent haqiqati" va "Tashkentskaya pravda" gazetalarini tahrir hay'ati:

Zoyir MIRZAYEV (tahrir hay'ati raisi)

Abdusamad NOSIROV

Ummat MIRZAOULOV

Hotamjon SAYDAHMEDOV

G'afurjon MUHAMEDOV

Sirojiddin ESHQUVVATOV

Tohir ARIPOV

Mahmud TOIR

Uskenboy ATEMOV

Abdulla XURSANOV

Kumush EGAMBERDIYEVA

Olimjon BEGALIYEV

Zarifa ERALIYEVA

Sergey MUTIN

Bosh muharrir:

G'ayrat SHERALIYEV

Qabulxona: (55) 520-64-95
Bosh muharrir o'rinbosari: (55) 520-04-10
Mas'ul kotib: (55) 520-05-10

Bo'lim muharrirlari: (55) 520-06-20, (55) 520-04-20
E'lonlar va hisob-kitob bo'limi: (55) 520-21-20

e-mail: toshkentaqiqati@umail.uz

Mas'ul kotib: Alloma AZIZOVA
Navbatchi: Suhrobjon SADIROV

Bosishga topshirish vaqti - 21.00.
Bosishga topshirildi - 22.30
Nashr ko'rsatkichi - 205.
Buyurtma G-235.
2 503 nusxada chop etildi.
Hajmi - 2 taboq. Ofset usulida bosildi. Qog'oz bichimi A-2.
Bahosi kelishilgan narxda.

Toshkent viloyati Axborot va ommaviy kommunikatsiyalar boshqarmasida
2011-yil 12-yanvarda
03-001 raqami bilan ro'yxatga olingan.

Manzil: 111500, Nurafshon shahri, Toshkent yo'li ko'chasi, 90.
Toshkent shahridagi ofisimiz: Bektemir tumani, Ittifoq ko'chasi, 2.
ISSN 2010-9318.

Gazeta «Toshkent haqiqati» tahririyati kompyuter markazida terildi va Tohir Mahmudxo'jayev tomonidan sahifalandi.

Haftaning chorshanba va shanba kunlari chiqadi.

«SHARQ» nashriyot-matbaa aksiyadorlik kompaniyasi bosmaxonasida bosildi.
Korxonaning manzili: Toshkent shahri, Buyuk Turon ko'chasi, 41-uy.